

**BOSNA I HERCEGOVINA
FEDERACIJA BOSNE I HERCEGOVINE
HERCEGOVAČKO NERETVANSKI KANTON
OPĆINSKI SUD U MOSTARU
Broj: 058-0-Su-1849/20
Mostar, 09.10.2020. godine**

Na osnovu člana 31. Zakona o sudovima u Federaciji BiH (Službene novine Federacije BiH“ broj 38/05, 22/06, 63/10, 72/10, 7/13 i 52/14) i člana 8. tačke j) Pravilnika o unutrašnjem sudskom poslovanju („Službeni glasnik BiH“ broj 66/12, 40/14, 54/17 i 30/18), u skladu sa Naredbom Kriznog štaba Federalnog ministarstva zdravstva broj: 01-33-5472/20 od 01.10.2020. godine, v. d. predsjednik Suda donosi

**KRIZNI PLAN PRIPRAVNOSTI I ODGOVORA NA POJAVU KORONAVIRUSA
(COVID-19)**

I

Donošenje ovog Kriznog plana ima za cilj dalje praćenje situacije i poduzimanje svih higijensko-epidemioloških mjera i preventivnih mjera, odnosno postupanje Općinskog suda u Mostaru, radi sprječavanja i ranog otkrivanja slučajeva bolesti izazvane Korona virusom (COVID-19), podizanje svijesti zaposlenika kako bi se zaraza prevenirala i spriježi širila.

II

U cilju poduzimanja preventivnih mjera zaštite zaposlenika i korisnika usluga Općinskog suda u Mostaru od Korona virusa potrebno je i dalje:

- reducirati, otkloniti širenje virusa sa zaposlenika i stranaka na zdrave zaposlenike;
- smanjiti broj direktnih kontakata, posebno na udaljenosti manjoj od dva metra;
- vršiti mjerenje tjelesne temperature zaposlenicima prilikom dolaska na posao, kao i strankama prilikom ulaska u zgradu Suda;
- tokom boravka u zgradi Suda obavezno koristiti zaštitnu masku, sprovoditi higijensko-epidemiološke mjere dezinfekcije ruku pri ulasku, kao i mjere češćeg pranja ruku sapunom, u preporučenoj dužini pranja (20 sekundi);
- kontinuirano vršiti provjetravanje radnih prostorija, sudnica, učestalije održavati higijenu i temeljito čišćenje dezinfekcionim sredstvima zajedničkih prostorija, hodnika, toaleta i drugih prostorija koje se koriste u procesu rada;
- Sud je dužan i dalje obezbjeđivati dovoljnu količinu sredstava za dezinfekciju kao i drugu neophodnu zaštitnu opremu, sve u skladu sa donesenim naredbama i preporukama od strane nadležnih organa i v. d. predsjednika Suda;
- u kancelarijama i prostorijama gdje boravi više od jednog zaposlenika, obavezno je nositi zaštitne maske za lice;
- na raspravama i ročištima koje se održavaju u kancelarijama i sudnicama, potrebno je osigurati fizičku distancu od 1 do 2 metra, uz neophodne epidemiološko-zaštitne mjere;
- lične kontakte zaposlenih potrebno je svesti na minimum, isključivo radi obavljanja poslovnih zadataka,

- preporučuje se zaposlenicima međusobno komuniciranje putem e-maila i telefona.

III

U slučaju sumnje ili potvrde na zarazu Korona virusom:

- nosioci pravosudne funkcije i ostali zaposlenici Suda, obavezni su da vode računa s kojim osobama su u posljednjih 48 sati bili na manjoj fizičkoj distanci od 2 metra i vremenski duže od 15 minuta („bliski kontakt“), kao i da zapamte kontakt osobe ukoliko bude potrebno da te podatke saopšte zdravstvenim radnicima;
- nosioci pravosudne funkcije i ostali zaposlenici Suda, ukoliko su u posljednjih 14 dana bili u direktnom kontaktu sa osobom oboljelom od Korona virusa, bez nošenja maske i duže od 15 minuta bez držanja propisane fizičke distance od 2 metra, dužni su odmah o tome obavijestiti nadležnu zdravstvenu ustanovu i postupiti po njihovom nalogu, kao i obavijestiti v. d. predsjednika Suda;
- ukoliko nosioci pravosudne funkcije i ostali zaposlenici Suda, uoče simptome bolesti uzrokovane zarazom Korona virusom (suhi kašalj, glavobolja, temperatura preko 37,2 stepeni C, otežano disanje, odsustvo čulo mirisa i drugo), kao i u slučaju da je kod njih laboratorijski potvrđen COVID-19 bez obzira na navedene simptome, obavezan je ostati kod kuće i o tome obavijestiti nadležnu zdravstvenu službu i v. d. predsjednika Suda;
- nosiocu pravosudne funkcije ili zaposleniku kojem je propisana obaveza kućne izolacije u trajanju od 14 dana, od strane nadležnog sanitarnog inspektora ili epidemiološke službe dužan je poštivati propisanu mjeru.

IV

Svi poslovni procesi u Sudu odvijat će se uz puno poštovanje ovog Plana, naredbi i preporuka nadležnih organa.

Nepridržavanje navedenih mjera predstavlja kršenje Zakona o zaštiti stanovništva od zaraznih bolesti Federacije BiH („Službene novine Federacije BiH“ broj 29/05).

V

Izmjene i dopune Kriznog plana pripravnosti i odgovora na pojavu Korona virusa (Covid-19), vršit će se u zavisnosti od promjene epidemiološke situacije, Preporuka i Naredbi nadležnih organa.

VI

Krizni plan pripravnosti i odgovora na pojavu Korona virusa (Covid-19), stupa na snagu danom donošenja i biće dostavljen svim nosiocima pravosudne funkcije, državnim službenicima i namještenicima putem e-maila, objavljen na web stranici Općinskog suda u Mostaru www.opsud-mostar.pravosudje.ba i oglasnim pločama Suda i Zemljišnoknjižnog ureda.

